



Trg Roberta B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Роберта Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: **13-002032/21**
Broj akta: 01.1-1413EK-0010/21
Datum, 15.11.2021. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25 Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-002032/21 od 18.10.2021. godine i Mišljenja Pravobranilaštva Brčko distrikta BiH broj: M-1251/21 od 12.11.2021. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUĐAČA

Član 1

(1) U provedenom otvorenom postupku s međunarodnom objavom za nabavku zaštitne i kamuflažne opreme, opreme za nasilno otvaranje vrata, taseri i druge opreme za potrebe Policije Brčko distrikta BiH – lotovi 1-3, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača za lotove 1 i 3 je „SHOT“ d.o.o. Zenica.

Lot 1 - Zaštitna i kamuflažna oprema

Vrijednost ugovora sa uračunatim PDV-om iznosi **19.884,15 KM.**

Lot 3 - Taseri i druga oprema

Vrijednost ugovora sa uračunatim PDV-om iznosi **86.229,00 KM.**

Naziv najpovoljnijeg ponuđača za Lot 2 je „KM TRADE“ d.o.o. Visoko.

Lot 2 - Oprema za nasilno otvaranje vrata

Vrijednost ugovora sa uračunatim PDV-om iznosi **66.690,00 KM.**

Član 2

Postupak je proveden na osnovu Odluke o pokretanju postupka javne nabavke broj: 14.04.1-13-1410/21 od 9.9.2021. godine, Obavještenja o nabavci na portalu javnih nabavki broj: 1157-1-1-464-3-473/21 od 16.9.2021. godine, specifikacije roba u vezi sa Tenderskom dokumentacijom broj: 13-002032/21 i ponuda najpovoljnijih ponuđača.

Član 3

Finansiranje navedene nabavke će se izvršiti za Lot 1 iz kapitalnog budžeta za 2020. godinu, organizacioni kod 13010001, ekonomski kod 821300, naziv projekta: "Zaštitna i kamuflažna oprema", šifra projekta:10400, za Lot 2 iz kapitalnog budžeta 2020. godine, organizacioni kod 13010001, ekonomski kod 821300, naziv projekta:"Oprema za nasilni ulazak", šifra projekta: 10397 i za Lot 3 iz kapitalnog budžeta za 2020. godinu, organizacioni kod 13010001, ekonomski kod 821300, naziv projekta:"Taser i druga oprema", šifra projekta:10402.

Obrazloženje

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: "KM Trade" d.o.o. Visoko i „Shot“ d.o.o. Zenica. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim i ponude prihvatljivim. S obzirom da su za Lot 2 bile dostavljene dvije prihvatljive ponude, zakazana je e-aukcija i došlo je do smanjenja cijena u odnosu na cijene sa otvaranja ponuda. Iznos najpovoljnije ponude za Lot 3 nije bio u okviru procijenjene vrijednosti nabavke i zahtijevano je od Policije da se izjasni o postojanju dodatnih sredstava. Policija je dostavila dopis u kojem se navodi da se može nastaviti sa postupkom nabavke. Komisija za nabavke je u skladu sa kriterijem najniže cijene dostavila preporuku o izboru najpovoljnijih ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Policiji,
5. Službenom glasniku Brčko distrikta BiH»,
6. Arhivi.

